



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

- Komisija za vanjsku i trgovinsku politiku –

Broj: 02/2-011-382-11/03

Sarajevo, 24. 03. 2003. godine

**Z A P I S N I K
sa 4. sjednice Komisije za vanjsku i trgovinsku politiku
Doma naroda Parlamentarne skupštine BiH
održane 20. 03. 2003. godine**

Četvrtu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvao je predsjedavajući Komisije Hasan Čengić.

Sjednici su prisustvovali sljedeći članovi Komisije: Hasan Čengić, Anto Spajić, Vinko Radovanović, Osman Brka i Velimir Jukić, te Nevenka Savić, sekretar Komisije.

Pored članova Komisije, sjednici su prisustvovali predstavnici predlagača: Seadeta Cerić i Ibrahim Čengić iz Ministarstva vanjske trgovine i ekonomskih odnosa; Mitar Pavić iz Ministarstva vanjskih poslova BiH i Anto Grbić i Neven Herceg iz Predsjedništva BiH.

Sjednicom je predsjedavao predsjedavajući Komisije Hasan Čengić. Nakon što je konstatovao da postoji kvorum, predsjedavajući Komisije je predložio sljedeći

DNEVNI RED

1. Usvajanje Zapisnika sa 2. sjednice Komisije za vanjsku i trgovinsku politiku;
2. Prijedlog Odluke o ratifikaciji Ugovora između Bosne i Hercegovine i Republike Hrvatske o izmjeni Ugovora između Vlade Bosne i Hercegovine i Vlade Republike Hrvatske o poticanju i uzajamnoj zaštiti ulaganja, predlagač Predsjedništvo BiH;
3. Prijedlog odluke o ratifikaciji Sporazuma između Bosne i Hercegovine i Ujedinjenog Kraljevstva Velike Britanije i Sjeverne Irske o unapređenju i zaštiti investicija, predlagač Predsjedništvo BiH;

4. Prijedlog odluke o ratifikaciji Ugovora između vlada balkanskih zemalja o ekonomskoj i naučno-tehničkoj saradnji u oblasti poljoprivrede, predlagač Predsjedništvo BiH;
5. Prijedlog odluke o ratifikaciji Sporazuma o petogodišnjem programu razvojne saradnje 2002. – 2006. između Vlade Republike Grčke i Vijeća ministara Bosne i Hercegovine, predlagač Predsjedništvo BiH;
6. Prijedlog odluke o ratifikaciji trgovinskog sporazuma između Bosne i Hercegovine i Vlade Republike Indonezije, predlagač Predsjedništvo BiH;
7. Prijedlog odluke o ratifikaciji Međunarodne konvencije o zaštiti bilja, predlagač Predsjedništvo BiH;
8. Prijedlog odluke o ratifikaciji Konvencije o bezbjednosti osoblja Ujedinjenih nacija i pridruženog osoblja, usvojena od Generalne skupštine UN-a 9. decembra 1994. godine, predlagač Predsjedništvo BiH;
9. Prijedlog odluke o ratifikaciji Međunarodne konvencije o suzbijanju terorističkih bombaških napada, usvojena od Generalne skupštine UN-a 15. decembra 1997. godine, predlagač Predsjedništvo BiH;
10. Prijedlog odluke o ratifikaciji Konvencije o obilježavanju plastičnih eksploziva s ciljem otkrivanja, Montreal, 1. mart 1991. godine, predlagač Predsjedništvo BiH;
11. Finalni izvještaj Bosne i Hercegovine o stanju održivog razvoja za Svjetski samit o održivom razvoju, predlagač Ministarstvo vanjske trgovine i ekonomskih odnosa BiH;
12. Vijeće Evrope – Evropski sud za ljudska prava – procedura nominiranja kandidata za izbor sudije iz Bosne i Hercegovine, materijal Ministarstva vanjskih poslova BiH, Zaključak Predsjedništva BiH, Zaključci Vijeća ministara BiH, biografije kandidata;
13. Prijedlozi za bilateralne susrete sa predstavnicima Moldove, dopis Ministarstva vanjskih poslova BiH;
14. Inicijativa za posjetu parlamentarne delegacije iz SR Njemačke, dopis Ministarstva vanjskih poslova BiH;
15. Informacija o krizi u Iraku, informacija Ministarstva vanjskih poslova BiH sa Izjavom (stavom) Predsjedništva BiH;
16. Tekuća pitanja.

Dnevni red je jednoglasno usvojen.

Ad. 1. Usvajanje Zapisnika sa 2. sjednice Komisije za vanjsku i trgovinsku politiku

Zapisnik sa 2. sjednice Komisije je jednoglasno usvojen.

Ad. 2. Prijedlog Odluke o ratifikaciji Ugovora između Bosne i Hercegovine i Republike Hrvatske o izmjeni Ugovora između Vlade Bosne i Hercegovine i Vlade Republike Hrvatske o poticanju i uzajamnoj zaštiti ulaganja, predlagač Predsjedništvo BiH

G-đa Cerić, u svojstvu predstavnika predlagača, pojasnila je osnovne ciljeve sklapanja bilateralnih ugovora ovog tipa, tj. namjeru zemalja potpisnica da jedna drugoj garantuju za posljedice političkih rizika.

Komisija je jednoglasno usvojila ovaj Ugovor i predložila Domu naroda Parlamentarne skupštine BiH da donese odluku o davanju saglasnosti za ratifikaciju uz sljedeće zaključke:

- Zatražiti od nadležnih institucija (Predsjedništva BiH i resornih ministarstava Vijeća ministara) da naprave popis svih ugovora i sporazuma koji se mogu uputiti Parlamentarnoj skupštini BiH na davanje saglasnosti za ratifikaciju ili su u pripremi, kako bi se mogli uključiti u Program rada Parlamentarne skupštine BiH i njenih tijela za ovu godinu;
- Zatražiti od predstavnika predlagača da na sjednici Komisije raspolaže informacijom u svakom pojedinačnom slučaju da li je druga zemlja, potpisnica bilateralnog sporazuma/ugovora, ratifikovala isti.

Ad. 3. Prijedlog odluke o ratifikaciji Sporazuma između Bosne i Hercegovine i Ujedinjenog Kraljevstva Velike Britanije i Sjeverne Irske o unapređenju i zaštiti investicija, predlagač Predsjedništvo BiH

Komisija je jednoglasno usvojila ovaj Sporazum i predložila Domu naroda Parlamentarne skupštine BiH da donese odluku o davanju saglasnosti za ratifikaciju.

Ad. 4. Prijedlog odluke o ratifikaciji Ugovora između vlada balkanskih zemalja o ekonomskoj i naučno-tehničkoj saradnji u oblasti poljoprivrede, predlagač Predsjedništvo BiH

Nakon pojašnjenja predstavnika predlagača, Komisija je jednoglasno usvojila ovaj Ugovor i predložila Domu naroda Parlamentarne skupštine BiH da donese odluku o davanju saglasnosti za ratifikaciju. U vezi sa ovom Ugovorom Komisja je donijela i sljedeći zaključak:

- Da se uputi dopis Vijeću ministara u kome će se predložiti da nadležna ministarstva utvrde formulu prema kojoj će se određivati rotacija predstavnika Bosne i Hercegovine u zajedničkim međunarodnim tijelima koja se osnivaju po ovakvim ugovorima, a kada se traži jedan predstavnik na nivou svake države potpisnice.

Ad. 5. Prijedlog odluke o ratifikaciji Sporazuma o petogodišnjem programu razvojne saradnje 2002. – 2006. između Vlade Republike Grčke i Vijeća ministara Bosne i Hercegovine, predlagač Predsjedništvo BiH

Komisija je jednoglasno usvojila ovaj Sporazum i predložila Domu naroda Parlamentarne skupštine BiH da donese odluku o davanju saglasnosti za ratifikaciju uz sljedeći zaključak:

- Zatražiti od Vijeća ministara BiH da riješi pitanje nadležnosti između ministarstava Vijeća ministara BiH, obzirom da se pitanja razvojne politike po novom Zakonu o ministarstvima nalaze u nadležnosti Ministarstva vanjske trgovine i ekonomskih odnosa, pa nije jasno ko je nadležan da u svojstvu predlagača sporazuma/ugovora pruži potrebna pojašnjenja članovima Komisije.

Ad. 6. Prijedlog odluke o ratifikaciji trgovinskog sporazuma između Bosne i Hercegovine i Vlade Republike Indonezije, predlagač Predsjedništvo BiH

G-đa Cerić, u svojstvu predstavnika predlagača, objasnila je da se ovakvi sporazumi potpisuju sve dok BiH ne postane članica Svjetske trgovinske organizacije zbog dobivanja statusa najpovlaštenije nacije u trgovini.

Nakon toga, Komisija je jednoglasno usvojila ovaj Sporazum i predložila Domu naroda Parlamentarne skupštine BiH da donese odluku o davanju saglasnosti za ratifikaciju.

Ad. 7. Prijedlog odluke o ratifikaciji Međunarodne konvencije o zaštiti bilja, predlagač Predsjedništvo BiH

Komisija je jednoglasno usvojila ovu Konvenciju i predložila Domu naroda Parlamentarne skupštine BiH da donese odluku o davanju saglasnosti za ratifikaciju.

Ad. 8. Prijedlog odluke o ratifikaciji Konvencije o bezbjednosti osoblja Ujedinjenih nacija i pridruženog osoblja, usvojena od Generalne skupštine UN-a 9. decembra 1994. godine, predlagač Predsjedništvo BiH

Komisija je jednoglasno usvojila ovu Konvenciju i predložila Domu naroda Parlamentarne skupštine BiH da donese odluku o davanju saglasnosti za ratifikaciju.

Ad. 9. Prijedlog odluke o ratifikaciji Međunarodne konvencije o suzbijanju terorističkih bombaških napada, usvojena od Generalne skupštine UN-a 15. decembra 1997. godine, predlagač Predsjedništvo BiH

Nakon pojašnjenja koja je dao predstavnik predlagača, g. Pavić, Komisija je jednoglasno usvojila ovu Konvenciju i predložila Domu naroda Parlamentarne skupštine BiH da donese odluku o davanju saglasnosti za ratifikaciju uz sljedeći zaključak:

- Zatražiti od nadležnog ministarstva Vijeća ministara BiH (Ministarstva vanjskih poslova BiH) da dostavi listu svih konvencija UN i Vijeća Evrope koje se odnose na borbu protiv terorizma, a koje treba staviti u urgentnu proceduru, kako bi se pravovremeno uvrstile u Plan rada Komisije. Uz svaku konvenciju potrebno je navesti da li tekst konvencije podliježe promjeni ili ne.

Ad. 10. Prijedlog odluke o ratifikaciji Konvencije o obilježavanju plastičnih eksploziva s ciljem otkrivanja, Montreal, 1. mart 1991. godine, predlagač Predsjedništvo BiH

Nakon pojašnjenja koja je dao predstavnik predlagača, g. Pavić, Komisija je jednoglasno usvojila ovu Konvenciju i predložila Domu naroda Parlamentarne skupštine BiH da donese odluku o davanju saglasnosti za ratifikaciju.

Ad. 11. Finalni izvještaj Bosne i Hercegovine o stanju održivog razvoja za Svjetski samit o održivom razvoju, predlagač Ministarstvo vanjske trgovine i ekonomskih odnosa BiH

Pojašnjenja u vezi sa Finalnim izvještajem dao je predstavnik predlagača, g. Ibrahim Čengić.

Komisija je primila k znanju Finalni izvještaj BiH o stanju održivog razvoja za Svjetski samit o održivom razvoju uz sljedeće napomene:

- Članovi Komisije smatraju da je Izvještaj trebao biti dostavljen Parlamentarnoj skupštini BiH na razmatranje prije nego što je postao finalan i prezentiran javnosti,
- Komisija je zaključila da će zatražiti od Vijeća ministara BiH da dostavi akcioni plan za izradu strategije održivog razvoja.

Ad. 12. Vijeće Evrope – Evropski sud za ljudska prava – procedura nominiranja kandidata za izbor sudije iz Bosne i Hercegovine, materijal Ministarstva vanjskih poslova BiH, Zaključak Predsjedništva BiH, Zaključci Vijeća ministara BiH, biografije kandidata

Nakon rasprave u kojoj su učesovali svi članovi Komisije, zaključeno je da Komisija ne može zauzeti konačan stav po ovom pitanju, prije svega zbog toga što na sjednici nije bilo predstavnika svih institucija uključenih u ovaj proces.

Komisija predlaže Kolegiju Doma naroda Parlamentarne skupštine BiH da obavi dodatne konsultacije i donese konačan stav o ovom pitanju.

Ad. 13. Prijedlozi za bilateralne susrete sa predstavnicima Moldove, dopis Ministarstva vanjskih poslova BiH

i

Ad. 14. Inicijativa za posjetu parlamentarne delegacije iz SR Njemačke, dopis Ministarstva vanjskih poslova BiH

Komisija jednoglasno podržava prijedloge posjeta uz izražavanje nezadovoljstva zbog odsustva predstavnika Ministarstva vanjskih poslova BiH nadležnog za ova pitanja i

zaključak da se u svrhu pripreme članova Komisije za ove posjete zatraži Podsjetnik za razgovore za obe pomenute zemlje.

Ad. 15. Informacija o krizi u Iraku, informacija Ministarstva vanjskih poslova BiH sa Izjavom (stavom) Predsjedništva BiH

Obzirom na novonastalu situaciju, tj. početak rata u Iraku, predsjedavajući Komisije pročitao je Saopštenje Predsjedništva BiH nakon održavanja vanredne sjednice povodom napada na Irak, koje su članovi Komisije jednoglasno podržali.

Ad. 16. Tekuća pitanja

- (a) Vinko Radovanović podnio je usmeni izvještaj o učešću na debati - Javnom saslušanju na temu «Nova strategija Evropske unije za jugoistočnu Evropu» koje je Evropski Parlament organizovao 18. marta 2003. godine u Briselu. G. Radovanović je najavio pismeni izvještaj.
- (b) Predsjedavajući Komisije, g. Čengić informisao je članove Komisije o sastanku koji je imao 19. 03. 2003. godine sa g. Hansom Odenthal-om, šefom Sekcije za vojno-politička pitanja u Odjeljenju za sigurnosnu saradnju i g. Christian Haupt-om, vojno-političkim analitičarem iz Misije OSCE-a za BiH, na njihov zahtjev. Tema sastanka bila je ostvarenje demokratske, tj. parlamentane kontrole nad oružanim snagama. G. Čengić je prilikom sastanka zatražio da se Misija OSCE u BiH i Stalni vojni komitet pismeno obrate Parlamentarnoj skupštini BiH oko dogovora za uključivanje PS BiH u ove aktivnosti.

Ovim povodom Komisija je donijela sljedeće zaključke:

- Komisija podržava inicijativu OSCE za uvođenjem demokratske kontrole oružanih snaga u BiH,
 - Komisija traži od Kolegija Doma naroda da odredi ko će predstavljati Dom naroda u ovim aktivnostima.
- (c) Javnost rada Komisije
U pogledu javnosti rada, Komisija je jednoglasno donijela zaključak da će postupati u skladu sa članom 72. stav 2., a da će o svakom pojedinačnom zahtjevu predstavnika medija za prisustvo sjednicama, odlučivati Komisija na samoj sjednici.
 - (d) Komisija je jednoglasno donijela zaključak da se od Ministarstva vanjskih poslova BiH zatraži informacija o stanju i popunjenosti kadrova, kako u samom Ministarstvu, tako i u diplomatsko-konzularnim predstavništvima Bosne i Hercegovine.
 - (e) G. Jukić usmeno je informisao članove Komisije o sastanku sa g. Douglas Jones-om, političkim savjetnikom u Ambasadi SAD u BiH 17. 03. 2003. godine. Pored razmjene mišljenja o najaktuelnijim dešavanjima u BiH, g. Jones je lobirao za

bilateralni Ugovor U.S.A. i BiH o izuzeću američkih građana pred Međunarodnim krivičnim sudom, za šta, po riječima g. Jukića, nije dobio njegovu podršku.

- (f) Na prijedlog g. Spajića, Komisija je jednoglasno donijela zaključak da se od Vijeća ministara BiH zatraži informacija o aktuelnim proizvodnim mogućnostima bosansko-hercegovače privrede, tzv. «privredna karta BiH».

Predsjedavajući Komisije

Hasan Čengić